

《中國地方志薈萃》編委會 編

中國地方志薈萃

中南卷·第一輯 陸

中國地方志薈萃

中南卷·第一輯

陸

《中國地方志薈萃》編委會 編



九州出版社
JIUZHOU PRESS

全國百佳圖書出版單位

嘉慶安化縣志（二）

出版說明

嘉慶安化縣志（二）

（清）周文重修 雷聲 陶澍纂

重修安化縣志卷之九

廟宇寺觀

王者理幽而治明聖人神道以設教隆其廟貌奉以香燈皆用以護國佑民禦災捍患也或在城或在鄉務宜有舉毋廢或有德或有功何堪不祀忽諸志廟宇寺觀

常豐鄉

城隍廟在治北正街左原止有前截基地明嘉靖七年知縣甘桓建後知縣汪濂吳兆慶趙尺璧屢加修理康熙五十一年知縣劉个臣捐買鄧姓後截地乾

隆二十一年知縣張爲獲重修四十八年公買鄧姓廟左基地五十年知縣蔣照重加修建規模宏敞五十年知縣冷絃玉於廟後修建公館一棟合廟宇界址俱照石牆腳爲定內牆腳丈至外街道止直下六十九弓內牆橫過二十弓零四分外街道橫過八弓零四分康熙五十一年知縣劉个臣又捐買唐姓地名赤山溪田山塘土庄屋共田種一十四畝一分七釐載糧一石七升五合八勺五抄七撮七圭五粟助入廟中香燈永爲住持管業收租輸糧四抵界址照老契管理新舊文契領狀推字糧票共十三紙並廟

基文契領狀二紙俱造入交盤冊存房柱名劉香燈
在五都十甲完納廟前照牆一座

南嶽廟在治東正街前寬八弓進身三十八弓零三
分後寬一十六弓東內抵先農壇外抵姜人舖基西
內抵傅人牆外抵李人舖基南抵官街北抵張人田
康熙五十一年知縣劉个臣捐銀二十七兩得買蕭
選臣名下地名木家橋水田一十畝計二十六坵並
屋基兩處茅屋三間園土山場共載糧七斗五升三
合助入廟中爲香燈永爲住持管業收租輸糧其田
大堤水注東抵木家橋溪水南抵大路西抵蕭仲寧

土北抵小溪爲界屋後山一面大岐崙分水爲界下
抵本田左抵蕭仲寧土右抵李墳 文契領字

共十二紙爲一宗另冊造入交盤柱名劉香燈在五
都十甲完納

報恩寺在治西宋楊長者舍基芙蓉寺僧愷禪建熙
寧間章惇開梅山兵抵寧鄉入瀉山轉由徑路進兵
失利惇軍瀉山密印禪寺餽餉缺乏寺爲供應遣遣
人人崗招諭不從因蒙垂議徭人篤信佛法乃遣長
老興化等入崗連日說法勸諭徭王悔悟率衆出降
惇奏凱賜名報恩明成化十年邑耆龍必昌捐金建

大雄殿康熙三十二年昌七世孫德涵德溥德潤兄
弟等助全堂料木重修基地長九十一弓濶八十一
弓邑人李鑑詩曰此地遊歌憶昔年重來不見趙州
禪當門老樹栖孤鶴傍水垂楊哭杜鵑非色非空芳
草夢半晴半雨落花天吟餘無限傷心處徙倚欄杆
思惻然邑人李廷淙詩曰縱步禪關踏白雲野心如
洗淨塵氛生公梵語從教說王播鍾聲了不聞啼夢
翠禽無箇數醉人春色有三分凭高不覺忘歸去月
映祇園日又曛邑人李文相詩曰幾番乘興叩禪關
獨愛禪關盡日閒栖鶴避烟飛樹杪神龍帶水注瓶

間靈巖赤壁渾無異形勝金山亦可班回首夕陽歸
步處數聲鐘磬遠塵寰

僧會司歷在此寺

寶臺觀在治南洪武間道會蕭建芳重修又小南門
東邊地八間係郭大陵施入道地康熙二十六年何
士章重建道會司朱永念募修並置田畝歲久傾頽
亦無住持兼之洪水冲壞自嘉慶六年後城中首事
等將每年租穀陸續修輯前殿後宅橫屋前亭山門
等項至左邊舖屋八間係乾隆四十四年住持張開
玉憑衆對兌龍輔廷觀門前右邊基地園土歸觀今

合丈過廟左進身長五十三弓廟右進身長三十八
弓內橫十三弓廟口橫二十弓廟坪中橫三十弓一
分本廟岩溪田每年納租三十石後增入洞天觀田
山每年納租五十九石二斗廟內墾田數坵
道會司歷住此觀

更衣亭在寶臺觀對街基地舊載長一弓三分濶一
弓三分今東南西俱抵生員周楨田北抵官街嘉慶
十五年重修橫二弓周楨捐地七分

福安橋關聖廟在治東原係何祥雯修建其基地係
殷奇珽捐出後何世臺等復修有殷瑞祐瑞祐加捐

基址其新舊界前抵人行路後抵龍人堤塹直上右抵殷坟直出人行大路爲界捐契合同據

啟寧寺在縣東宋熙寧間上下梅山以熙寧二字分名新化爲承熙安化爲啟寧卽東縣治舊基地原係茅菴康熙十八年自芙蓉寺僧古梅住持置田畝徒吉菴創建殿宇修塑神像至今宗風不墜先達盛有義製有碑記註載明晰

紫雲菴在縣治西菴基地係生員周昂捐直二十弓橫十九弓以墻爲界四圍俱抵周昂山

眞武殿在治東東華山卽古龍王祠舊基乾隆四十

三年訓導胡興贊倡首重修五十三年會內首事殷
君望周安一

熊克成龍應期譚元一吳萃芹李健友夏禮門吳錦
軒張致周譚迴蘭張秩安張近仁陳用和蔣越安袁
山名譚廉民袁常福吳紹周周霞齡王商賢等共出錢

七十三千置買喻輝九地名楊德勘田種三斗計一

坵以爲

在持
道童

香火之資契存龍應期家

東華山卽古東嶽廟舊基在治東僞周之三年知縣
葉天芳捐置洪家灣田一石六斗零塘二口山三峯
雍正六年知縣李資捐置南橋田四斗三升

天香菴在縣西二十里栗林上有真武殿

觀音菴在縣西三十里官溪有觀音洞

觀音堂在縣西二十里橫栢界行人曾佩詩曰萬壑
峯回古寺幽細流分綠入溪流清樽紫騎成秦醉白
馬青袍屬楚遊十里旌旗晴日閉半天鐘鼓野雲浮
老僧淪茗浮晴雪盡日風薰坐畫樓學錄方清詩曰
策蹇行行度白雲青山排闥遠迎人花岩氣暖蜂成
陣草徑泥香蟻作羣攀磴不嫌蹊蘚滑望峯時覺晚
烟昏山僧妙悟觀心法栖息池邊老樹根 盤曲山
深樹色稠洞雲谷鳥共僧幽曾聞說法花如雨更見

談經石點頭竹尾扶疎青似佛苔痕蒼翠滑如油三生妙悟觀心法擬傍青蓮結社遊

金佛菴在縣西二十里樂安橋

陳公寺在縣南十里田心景福山陳萬法修煉於此崇教寺在縣西三十里浮青今名古塘寺蔣舒然建修

鼉龍菴在縣西十里水溪坪

涼水井菴在東六十里土地崙

洞天觀在縣東四十里靈龜洞上有瀑布泉仙人橋宋熙寧章惇以獠人畏罪福報應因俗以教卽溪人

新禱之洞請建觀焉賜名洞天今廢

忠靖威靈顯應佑王廟其神爲唐勇士張忭昔有盜入廟剖神腹而盜其臟刃未入神轉首瞋目顧盜盜驚死尋甦而自白於官又吳致堯令邑時有人夢告以徙廟吳公遷之廟土得古銅戟三件遂以爲導神前仗焉舊廟在南門今不可考

通志載秩祀內

扶王廟在治北旁有北極菴今俱廢基址存

蔣公祠二所今廢在縣東洪家灣基地存一處中長六弓濶七弓東西北俱抵陶人山南抵官路一處中長七弓濶七弓南抵官路

復興菴在縣東四十里清塘鋪

歸化鄉

香竺菴在縣東五十里小橋鋪

廣化寺在縣北六十里芙蓉山正德間民周連修以後屢敗屢興邑人李纂詩曰偶上芙蓉山山殿朝陽曉直上孤頂高平看衆峰小青翠滿層巒藤蘿拂幽沼始悟人世間紛紛亦何擾

泉塘寺在縣北五十里景泰間建自明成化至國朝乾隆年間屢加修葺知縣李楨詩曰一到泉塘何快哉箇中真不異蓬萊奇花怪草不相識問道山僧雪